

12 Gun wai, shim shipshiebun, nī-wālda n'ltawila wā'anshk ga shimt, althga amuksha da didhāi, ada giaōn yagai shim gazū wāl shim da wha didhāyūt, shim da shagulgēlukltha dum lip gunlimautk ga shimt alth ma shim da shikshūilgunshk gut diltl lūqūziltk gut :

13 Awil Shimoigiat ga Lakāga lū-hekul dida gwashim ā ni dum has-hak shim diltl dum shagulgēlukltha shimt, ash ga dum gunlthgwisgūt ga.

14 Wāl shima tkāni gaut alth ma shim wha da dūala alahgiakshīt diltl ma za shim da l'leagut :

15 Dum wil wha nahakhokshk ga shimt dum wudi tgwa gaud shimt, whati nahakhokshgum klthgūsh ga Shimoigiat ga Lakāga ā na shpaga lthilthigiam libagait agumgolthum giada gwa, gū shpaga da wil āluwanumsh gungakgoiba ga shim da lak halizogut,

16 Shagou da dukiāgwash ga algia-gum gundidōlsh ga ; dum wil shgū dum gun kshtiyāwugou zida ltha na shāt k gish Christa ga, ā na wil wha whanahoium bāyūt, n'za ligi whanahoium shagēluklthi.

17 Yagai niad, amiza liguzk gī ā na ōmgauksha shim diltl na dauklthgum halthalsha gashimboudiksha shim, lthgwisgū nū, ada shila lūam-gaudū da tkānish nushim ;

18 Ada ninilth gun dī galthgwisgū da shim, ada ma shim shila lūama gaudi.

19 Ada bōishk gī gish ga Miyān gut Jesus ga ā n'dum dilt haiz Timothī da gwashim, dum wil/di shquaitk gagaudū, n'zida ltha wilailth wila wāl shim.

20 Awil althga dhāsh nālth shila wila gaud gī, gū za dum shānhoim uphoitk ga daltl gaud alth wila wāl shim.

21 Awil tkāni da lippeluksh dalth-ault ga dit, al ainash ga na giansh Jesus Christa ga.

22 Wilat shim wilshgiat dit, gū, niwāldit wila shimgit halthalsha lthgōlthk ga da n'nagwādīt, nini wilat shila halthalshūt dum wila dahēkultk ga Am da Malshkgut.

23 Nini nabōishk gū n'dum haiz dit, ā n'za hī wilai za dum wila wālī.

24 Ada al gup waiyauksh gī gish ga Miyān ga ā dum dī lip dilt goidukshūt.

25 Ada na haligaudū gup ām n'dum haiz Epaphroditus da gwashim, gū waigiūt diltl shila halthalshūt, diltl shila hūkwildōgiatk gūt, diltl nini na haiza shimt, ada n't lthimaum na hāk gūt :

26 Awil wigiatk ga dida tkānish nūshim, ada shimgul lūdauklthk ga gaudit, ā ma shim wil naknō na shiepk ga dit :

27 Awil yagai niada na shiepk ga dit na shim dalthuksh zakshīt : ada gup gumgaudsh ga Shimoigiat ga Lakāgish niat ; ada althga amukshat niat, yagai gik dish nūyūt ; op za shim zuksh gūgwushā lūdauklthk gulth gaudi.

28 Nini na gun shim apobum haiz dida gwashim, dum wil gulthgwisgū da shim, da ma za da ltha shim nisht, ada dum al wil shaiya lūdauklthgum gaudūt.

29 Ninilth ma gun shim anaukt ash ga Miyān ga alth ma shim shim-gulthgwisgūdat ; ada ninilth gawālth lthaul da shim :

30 Awil na halthalsh Christa na gun dalthuksh zaksha dit, althga lippeluksh dilgaultk gut, dumt wil lūhoigiagun gau wil lūshgokshk ga na lthimauma shim da goi.